



Schnitzelbängg zu ED-Themen

Hier finden Sie eine Übersicht, der traditionellen Schnitzelbängge der Basler Fasnacht zu aktuellen Themen des Erziehungsdepartements. Besonders häufig aufgegriffen wurde die Diskussion über das Frühfranzösisch sowie die aktuelle Gartenbadthematik.

Inhalt

«Anggewegglimaitli»: Frühfranzösisch	1
«D Gwäägi»: Gartenbäder	2
«D Lumpesammler»: Frühfranzösisch	2
«Daameryschli»: Frühfranzösisch / Women's EURO	2
«Die Penetrante»: Mustafa Atici / schulische Leistung von Schülerinnen und Schülern	2
«Die Verschifft»: Gartenbäder	2
«Diigermugge»: Women's EURO	2
«Dipflischysser»: Frühfranzösisch / Deutschkenntnisse von Schülerinnen und Schülern	3
«d'Schnittstell»: Frühfranzösisch / Gartenbäder	3
«d'Ysebaan»: Frühfranzösisch	3
«Elfi-Glöggli»: Frühfranzösisch / kulturelle Durchmischung in Schulklassen	3
«Fäärimaa»: Frühfranzösisch	3
«Heiri»: Frühfranzösisch / Gartenbäder	3
«PereFyss»: Frühfranzösisch	4
«Schlyychwäärbig»: Frühfranzösisch / Gartenbäder	4
«Schnapsbagge»: Vegane Uni-Mensa	4
«Spootschicht Rhygass»: Frühfranzösisch / Gartenbäder	4
«Staubwolgge»: kulturelle Durchmischung in Schulklassen	4
«Tam Tam»: Frühfranzösisch	4
«Wyybuure»: Gartenbäder / Regierungsrat	4
«Zwätschgesalaat»: Gartenbäder	5
Quellen	5

«Anggewegglimaitli»: [Frühfranzösisch](#)

Goorteesch, Goschdyym, Dambuurr, Schääse, Schaariwaari,
Blagette, Comité, Glygge, Reggwisytt, Süschee und Pierrot,
Au ohni Friehtfranzeesisch versteene mir das doo.

E Root an d Zircher, ganz spontan:

Nämme Baseldytsch in Stundeblaan!

«D Gwäägi»: *Gartenbäder*

Wotts z Puntrut ins Gartebad
do bruuchsch zum litritt s dunggt mi z schaad
de roti Schwiizer Pass sunst wirsch nid ine glo
D Puntrutter wänd halt so wies schiini
Keini Bsuecher im Burkini
Wils Rassistisch isch, drum wänd mirs nid verstoo
Jä miech me das im Eglisee
Das wär glaub nid die best Idee
Denn hätt d Frau Meier ab em Mai
Doch s ganze Bad für sich elei

«D Lumpesammler»: *Frühfranzösisch*

Bon Soir, ma Chère Mademoiselle, mes dames und monsieur
Je vous chante un Schnitzelbangg, peut-être sogar deux
Ils sont un une et elle sont un, mischt, so e shit
Trotz all däm Friehtfranzösisch, längts für e Pointe nid

«Daameryschli»: *Frühfranzösisch / Women's EURO*

Dr glei Kevin goot s erst mol in e Bordell
Was er für si Batze griegt, frogt er s Mademoiselle
Sie schickt ihn wider use, Bueb gang du ab ufd Piste
Friehtfranzösisch händ mir ebbe nümme uf dr Liste

Die Ambiance an de Fraue-EM het uns super gfalle
Fraue gege Fraue, kämfe um dä Balle
S Liggt au niemert ab, wägeme glaine bizeli weh
Und so viel Rossschwänz hämmr bi de Männer no nie gseh

«Die Penetrante»: *Mustafa Atici / schulische Leistung von Schülerinnen und Schülern*

Der Basler Notenschnitt ist schlächt im Deutsch und Rächnen
Jetzt will der Atici den Durchschnitt neu berächnen
Er zählt jetzt Türkisch neu dazu, dann kommt es gut
Nur weiss kein Schwein mehr, wie man Durchschnitt rächnen tut.

«Die Verschifft»: *Gartenbäder*

Gueten Oboe, liebi Schwoobe! Es hett sicher e baar do
- und die wo mit der Bahn aareise, jo die stöön no irgendwo ...
... und kömme spööter noo.
Zürcher hetts ganz sicher au, will die sinn überall.
Us em Baselbiet no käini - die sinn alli no im Stall.
Us Frankriich hets au käini doo - die sinn alli scho im Bett.
Die kömme denn im Summer, wenns Eglisee offen hett.

«Diigermugge»: *Women's EURO*

Sit dr EURO isch uns glar, was Maa ka, ka au Frau
Seggle, schnitze, risse, bisse, au kämpfe wie e Sau
Was Maa ka, ka au Frau, jä au shutte wie im Himmel
Doch nur zum Papst fählt ihre neume dure no e P...was eigentlich?

«Dipflischysser»: *Frühfranzösisch / Deutschkenntnisse von Schülerinnen und Schülern*

Wo mir z Basel, s Französisch teste, sind mir sackschwach
Nid die beste, s isch schwirig gsi wiiter vorne z lande
D Schieler händ d Frooge uf Dütsch nid verstande

«d'Schnittstell»: *Frühfranzösisch / Gartenbäder*

Dr Stand vom Friehtanzösisch, däa isch als no grytisch
Drum diskutiert me s jeeedes Joor wiider politisch
Es wär doch gscheyt, wenn miir dört sprochlig besser wäre
Zum de Franzose d Baadi-Reegle rächt erglääge

«d'Ysebaan»: *Frühfranzösisch*

Letschti hani miese vor em Gricht erschiine
Do lauft nääbe mir dr Sarkozy grad iine
Do lauft nääbe mir dr Depardieu no iine
Do lauft nääbe mir d Le Pen au no iine
Ich dängg mir so, während ich in mim Stiehli lään
Ooni Friehtanzösisch wärs jetzt schampar unagnääm

«Elfi-Glöggli»: *Frühfranzösisch / kulturelle Durchmischung in Schulklassen*

Dä wo im Klassezimmer vor mr hoggt, dä kunnt us Ankara
Die Links vo Genua, dä rächts vo Malaga
Vo Istanbul, vo Liverpool, vo Sofia, vo Upsala, vo Tokjo, vo Porto, vo Santa Cruz
Vo Toulouse, vo Rimini, vo Helsinki, vo Washington und dä vo Rischlikon
Zum die verstoo wärs guet, wenn d e Google Translate Abo lösich
Als ich wär für e Frieht-Baseldytisch, statt däm Friehtanzösisch

«Fäärimaa»: *Frühfranzösisch*

Bim Friehtanzösisch göön d Mainige wytt usenand
kai Wunder, bi uns, in däm riesig grosse Land
derbyy wär s ganz aifach und entspannty sofort d Laag
verschiebed das Friehtanzösisch uff dr spöötery Noomittag.

«Heiri»: *Frühfranzösisch / Gartenbäder*

Es git e Röschtigraabe, näi Groosi, das isch kai Witz.
Die Wälsche sy äifach gscheiter. Mii stöört das gar kai bitz.
Dasch loogisch, erkläär y wyter, wäisch, das gseht me klaar do draa:
Die fönge scho bi de Buschi mit Frühtanzösisch aa.

In Ängland cha me s nid verstoh, wo dr Bundesroot beschliesst,
dass in de Schuele Französisch vor Änglisch Voortritt gniesst.
Dr Andrew, dä wo Prinz gsii isch, mäint, dass är zimmlig böös isch.
Er wäär wohrschynts no immer Prinz, ohni Frühtanzösisch.

In dr Schlange vor dr Badi kasch de junge Franzose zuelose
Bade söll me mit Badhose über de Unterhose
In dr Schwiiz, do sin dir sicher, do muess euch die Sorg nid quäle
Do klaut dir keine wie z Paris dini Kronjuwele

«PereFyss»: *Frühfranzösisch*

Gäll, d'Zircher gänn sich all Joor Mie, is neii Süüschee z bringe,
Drum diemmer eich vo Friefranzeesisch und Laubbleeser singe:
Laubbleeser oder Friefranzeesisch – s'Gmeinsam vo de baide:
S'isch baides lutt und nit z verstoo – und drum nit z unterscheide.

«Schlyychwäärbig»: *Frühfranzösisch / Gartenbäder*

Friefranzeesch isch hit nimmi gfrogt, my Soon ka kuum e Satz.
«Une gifle» isch e Gläbber, «ferme ta geule» haisst: halt dr Latz!
Und well äär daas halt nit verstoot, isch äär voll undeduure.
Bikunnt aggzäntfrei in dr Baadi uff franzeesisch ains an d Schnuure.

«Schnapsbagge»: *Vegane Uni-Mensa*

In dr Uni-Mensa isch Vegan Trumpf, drum züchtet me vor em lgang e Rase
Dass die Studierende in de Pause zämme könne go Grase
De Trybhusgas-Usstoos im Hörsaal denn isch übel, das muess me gseh
Drum sagi, dä Rase isch e richtigi Furz-Idee

«Spootschicht Rhygass»: *Frühfranzösisch / Gartenbäder*

«Salut chérie, tu veux amour?» schreit äin und foot aa lache
«Pourquoi tu m'as regardé?» und zägg! Griegsch äini bache
Dr näggschti klaut dir s Bortmennee wennd uff dr Wiise döösisch
Statt indr Schuel leersch z Baasel in dr Baadi frie Französisch.

«Staubwolgge»: *kulturelle Durchmischung in Schulklassen*

Im Bläsi Schuelhuus z hinderst hinde
Kasch immerno die dümmste Kinder finde
D sproch verstöhn sie nid so rächt
Und au im rächne sind sie schlächt
Doch d Lehrer sind jetzt am probiere
Die schwiizer Kinder z Integriere

«Tam Tam»: *Frühfranzösisch*

Du Giachen? – Oui? – Was hesch gseit?
Je parle français, fédéral
Kumm obe abe. – Mais non, pourquoi?
Hesch du e knall? – Pas du tout.
D Zürcher striiche s Friefranzösisch. – Merde, papperlapapp.
Gäl du hesch e Plan? – Mais oui, mir schaffe Züri ab

«Wyybuure»: *Gartenbäder / Regierungsrat*

Z Basel düend do ab de Bäum e huufe Kähe kräihe
Denn schisse die no obe abe, s isch zum duredräihe
Vom Regierigsroot paar Föteli, händ mir an d Bäum dra bunde
Jetzt kräihe d Krähe nüm, defür tüends doppelt so viel pfunde

Du Fritz, ich bi wider ins Gartebaad, wo d Sunne isch go schiine
Doch dismol bini ohni Unterhose ins Wasser iine
In däm Fall hesch au d Baadhose vergässe und bisch ohni ins Becki dri
Uuh, in däm Fall isch das woni im Wasser gseh ha, doch kei Chlorhuen gsi

«Zwätschgesalaat»: Gartenbäder

Keine us em Elsass und nid z dumm und au nid z gscheit
Kei Fudi z dick und au nid z dünn, wo us em Rahme gheit
Nid z alt, nid z jung, jä unsri Badis wäre jo fast läär
Wenn dr Joël Thüring dört de Badwachmeister wär

Quellen

20 Minuten: «Das sind die bissigsten Schnitzelbängge» - 24.02.2026

<https://www.20min.ch/video/basel-das-sind-die-bissigsten-schnitzelbaengge-103512712>

Bajour: «Best of Schnitzelbängg 2026»

<https://bajour.ch/>

BaZ: «<Nämmet Baseldytsch in Stundeblaan!>: So machen sich die Basler über <Ziiri> lustig» - 23.02.2026

<https://www.bazonline.ch/fasnacht-in-basel-die-besten-schnitzelbaengg-ueber-zuerich-949689928367>

bz: «Ueli Maurer, die Armee und Donald Trump: So lacht Basel über die Schweiz und die Welt» - 23.02.2026

<https://www.bzbasel.ch/schweiz/basler-schnitzelbaengg-ueli-maurer-armee-und-trump-id.4124314>

NZZ: «Die <Schnitzelbänggler> widmen sich der Formkrise der Schweizer Würdenträger» - 23.02.2026

<https://www.nzz.ch/schweiz/die-schnitzelbaenggler-widmen-sich-der-formkrise-der-schweizer-wuerdentraeger-unsre-bundesroot-jans-dae-laechlet-so-brait-doo-dermit-waer-vo-iim-s-wichtigtscht-scho-gsait-id.1926062>

PrimeNews: «Schnitzelbängge 2026: von gut bis genial» - 24.02.2026

<https://primenews.ch/articles/2026/02/schnitzelbaengge-2026-von-gut-bis-genial>

Telebasel: «Schnitzelbängg vom Mittwoch – Teil 1» - 25.02.2026

<https://telebasel.ch/sendungen/fasnacht/234555>

Telebasel: «Schnitzelbängg vom Mittwoch – Teil 2» - 25.02.2026

<https://telebasel.ch/sendungen/fasnacht/234584>

Telebasel: «Schnitzelbängg vom Mittwoch – Teil 3» - 25.02.2026

<https://telebasel.ch/sendungen/fasnacht/234600>

Telebasel: «Schnitzelbängg vom Mittwoch – Teil 4» - 25.02.2026

<https://telebasel.ch/sendungen/fasnacht/234608>

Telebasel: «Schnitzelbängg vom Määntig – Teil 1» - 23.02.2026

<https://telebasel.ch/sendungen/fasnacht/234356>

Telebasel: «Schnitzelbängg vom Määntig – Teil 2» - 23.02.2026

<https://telebasel.ch/sendungen/fasnacht/234363>

Telebasel: «Schnitzelbängg vom Määntig – Teil 3» - 23.02.2026

<https://telebasel.ch/sendungen/fasnacht/234376>

Telebasel: «Schnitzelbängg vom Määntig – Teil 4» - 23.02.2026

<https://telebasel.ch/sendungen/fasnacht/234385>